



Concello de Outeiro de Rei

ORDENANZA MUNICIPAL REGULADORA DO USO PÚBLICO DE ZOAS VERDES E ÁREAS RECREATIVAS DO CONCELLO DE OUTEIRO DE REI

CAPITULO I: CONTIDO E ALCANCE

Artigo 1.- A presente Ordenanza regula o uso dos espazos libres e zonas verdes que ha de rexer dentro do termo municipal.

Artigo 2.- En toda actividade de zonas verdes deberán cumprirse, ademais da presente Ordenanza, as ditadas polos demais servizos municipais nas partes que afecten aos mesmos.

CAPITULO II: USO DAS ZOAS VERDES E ÁREAS RECREATIVAS

Artigo 3.- Normas xerais.- Todos os cidadáns teñen dereito ao uso e goce das áreas recreativas e zonas verdes públicas, de acordo co establecido na presente Ordenanza e demais disposicións aplicables.

Artigo 4.- Os lugares a que se refire a presente Ordenanza, pola súa cualificación de bens de dominio e uso público, non poderán ser obxecto de privatización do seu uso en actos organizados que, pola súa finalidade, contido, características ou fundamento, presupóna a utilización de tales recintos con fins particulares, en detrimento de a súa propia natureza e destino.

Artigo 5.- A instancias do interesado, o Concello poderá outorgar autorización para a celebración de actos públicos ou actividades recreativas nas zoas verdes e áreas recreativas.

As autorizacións outorgadas poderán ser revogadas pola Administración por razóns sobrevidas de interese público sen xerar dereito á indemnización aos interesados.

Os solicitantes da autorización serán responsables solidarios dos danos ocasionados no dominio público, e deberán adoptar as medidas necesarias para salvaguardar a seguridade do evento.

O Concello poderá esixir aos responsables o pagamento da indemnización dos danos causados por vía administrativa.

Artigo 6.- Os usuarios das zonas verdes e do mobiliario urbano instalado nas mesmas deberán cumprir as instrucións que sobre a súa utilización figure nos indicadores, anuncios, rótulos e sinais existentes. En calquera caso, deberán atender as indicacións que formulen os servizos municipais.



Concello de Outeiro de Rei

CAPITULO III: PROTECCION DA CONTORNA

Artigo 7.

1. Con carácter xeral, para a boa conservación e mantemento das diferentes especies vexetais das zonas verdes non se permitirán, salvo autorización municipal, os seguintes actos:

- a) Toda manipulación realizada sobre árbores e plantas.
- b) Circular por zonas acoutadas.
- c) Tallar, apear, podar, arrincar ou partir árbores situadas en espazos públicos ou cortar as súas ramas.
- d) Lanzar en zonas verdes lixo, residuos, cascotes, pedras, papéis, plásticos, graxas ou produtos cáusticos ou fermentables, ou calquera outro elemento.
- e) Acender lume, calquera que sexa o motivo, en lugares que non estean habilitados para ilo.

2. Os animais deberán ir conducidos por persoas e provistos de correa e transitarán polas zonas de paseo evitando causar molestias ás persoas, achegarse aos xogos infantís, penetrar nas praderías de céspede, nos macizos axardinados, nos estanques ou fontes e espantar aos paxaros e outras aves.

Os seus condutores coidarán de que depositen os seus excrementos nos lugares apropiados e sempre afastados dos de localización de xogos infantís, zonas de nenos, etc, e serán responsables da súa posterior recollida.

O propietario do can será responsable do seu comportamento.

Artigo 8.- A protección da tranquilidade e acougo que integran a propia natureza das zonas verdes esixe que:

- a) A práctica de xogos e deportes realizarase nas zonas especificamente acoutadas cando concorran as seguintes circunstancias: ou
 - 1º Poidan causar molestias ou accidentes ás persoas. ou
 - 2º Poidan causar danos ou deterioro ás plantas. ou
 - 3º Impidan ou dificulten o paso de persoas ou interrompan a circulación. ou
 - 4º Perturben ou molesten de calquera forma a tranquilidade pública
- b) As actividades publicitarias realizaranse con expresa e previa autorización municipal.



Concello de Outeiro de Rei

c) As actividades artísticas de pintores, fotógrafos e operadores cinematográficos ou de televisión poderán ser realizadas nos lugares utilizables polo público. Deberán absterse de entorpecer a utilización normal do parque e terán a obrigaón, pola súa banda, de cumprimentar todas as indicacións que lles sexan feitas polos axentes de vixilancia.

d) As actividades industriais restrinxiranse ao máximo, limitándose a venda ambulante de calquera clase de produtos, que soamente poderán efectuarse coa correspondente autorización municipal expresa para cada caso concreto.

e) A instalación de calquera clase de industrias, comercio, restaurantes, venda de bebidas ou refrescos, xeados, etc., requirirá autorización ou concesión administrativa do Concello, obtida coa tramitación que a normativa aplicable dispoña en cada caso concreto. Os concesionarios deberán axustarse estritamente ao alcance da súa autorización, sendo responsables das súas extralimitacións e incumprimento das mesmas.

f) Salvo nos lugares especialmente habilitados para o efecto, non se permitirá nas zonas verdes nin en ningunha vía ou espazo público, acampar, instalar tendas de campaña ou vehículos para ese efecto habilitados, practicar cámping ou establecerse con algunha destas finalidades, calquera que sexa o tipo de permanencia.

Prohíbense especialmente as acampadas nas vías e espazos públicos que carezan da correspondente autorización.

g) Con carácter preventivo e para favorecer a convivencia cidadá e evitar danos aos bens públicos ou alteracións da orde pública, estará prohibido o consumo de bebidas alcohólicas.

Artigo 9.- Nas zonas verdes non se permitirá:

a) Lavar vehículos, roupas ou proceder ao tendido delas e tomar auga das bocas de rega, salvo autorización sinalizada.

b) Realizar calquera clase de grafiti, pintada, mancha ou inscrición sobre as árbores, fontes, muros, pedras, peches, elementos vexetais, ou en xeral sobre calquera elemento das zoas verdes ou áreas recreativas

c) Instalar calquera tipo de modalidade publicitaria.

d) Realizar nos seus recintos calquera clase de traballos de reparación de automóviles, albañilería, xardinería, electricidade etc., e se se trata de elementos propios do parque ou de instalacións de concesionarios requirirase a preceptiva autorización do Concello.

e) Deixar ceibes animáis, ben de compañía, ben de natureza gandeira ou pecuaria.



Concello de Outeiro de Rei

CAPITULO IV: VEHÍCULOS NAS ZOAS VERDES

Artigo 10.- Como regra xeral nas zonas verdes e áreas recreativas non se permitirá a circulación ou estancia de vehículos de motor, salvo nos supostos expresamente previstos na presente ordenanza.

A entrada, circulación e estacionamento de vehículos nas zonas verdes poderá ser regulada de forma específica en cada unha delas mediante a oportuna sinalización, previa resolución da Alcaldía ou órgano en quen delegue que determinará as vías e espazos susceptibles dos devanditos usos e as súas condicións de utilización.

2. Nos parques e outras zonas verdes con gran afluencia de público, e para servizo do mesmo, poderán acoutarse parcelas para estacionamento de visitantes suxeito a limitación horaria. O acceso ás devanditas parcelas estará debidamente sinalizado e a velocidade limitada a 10 km/h. Constituirá infracción administrativa aparcarse fora dos espazos acoutados, en horario distinto do permitido ou excedendo o tempo máximo autorizado.

3. Autorízase a circulación dos vehículos de servizo, municipais ou contratados, para as subministracións, servizos e obras de reforma, mantemento e conservación que sexan necesarias.

4. Do mesmo xeito poderá autorizarse aos concesionarios de quioscos ou outros servizos propios do espazo público, que deberán estacionar os seus vehículos no lugar que especificamente se lles sinale, sen que por regra xeral poida concederse máis dunha autorización por cada concesión.

5. As bicicletas poderán circular libremente polas zonas verdes e áreas recreativas, salvo prohibición ou limitación expresa, sempre non interfiran o uso peonil, debendo manterse fóra dos xardíns e espazos plantados e circular a velocidade moderada.

CAPITULO V: PROTECCION DO MOBILIARIO URBANO

Artigo 11.- O mobiliario urbano existente nas zonas verdes e áreas recreativas, consistente en bancos, xogos infantís, papeleiras, fontes, sinalización, farois e elementos decorativos deberá manterse no máis adecuado e estético estado de conservación.

Os causantes da súa deterioración ou destrución serán responsables non só do resarcimento do dano producido, senón que serán sancionados administrativamente de conformidade coa falta cometida.

Así mesmo serán sancionados os que facendo uso indebido de tales elementos prexudiquen a boa disposición e utilización dos mesmos polos usuarios de tales lugares; para ese efecto, e en relación co mobiliario urbano, establécense as seguintes limitacións:



Concello de Outeiro de Rei

- a) Xogos infantís: A súa utilización realizarase polos nenos con idades comprendidas entre 3 e 12 anos.
- b) Papeleiras.- Os desperdicios ou papeis deberán depositarse nas papeleiras a tal fin instaladas. Os usuarios deberán absterse de toda manipulación sobre as papeleiras, movelas, envorcalas e arrincalas, así como de facer inscricións nas mesmas, adherir adhesivos ou outros actos que deteriorenen a súa presentación.
- d) Sinalización, farois, estatuas e elementos decorativos.- En tales elementos de mobiliario urbano non se permitirá subirse, columpiarse ou facer calquera acción ou manipulación sobre estes elementos de mobiliario urbano, así como calquera acto que ensucie, prexudique ou deteriore os mesmos.

CAPÍTULO VI: RÉXIME SANCIONADOR

Artigo 12.- Infraccións

De conformidade co disposto no artigo 139 LBRL, tipifícanse as seguintes infraccións administrativas:

1. Serán moi graves as infraccións que supoñan:

a) A perturbación relevante da convivencia que afecte de maneira grave, inmediata e directa á tranquilidade ou ao exercicio do dereito de outras persoas ao disfrute das zoas verdes ou áreas recreativas.

Considérase perturbación relevante:

- As emisións sonoras producidas por altoparlantes, megafonía ou artefactos pirotécnicos.
- As combustións e queimas (incluso nos lugares habilitados) que emitan fumes, ruídos ou olores que afecten sustancialmente á tranquilidade propia do espazo natural.

b) O impedimento do uso das zoas verdes ou espazos públicos por outra ou outras persoas con dereito á súa utilización, salvo que se dispoña do correspondente título habilitante.



Concello de Outeiro de Rei

c) Os actos de deterioro grave e relevante das áreas recreativas ou de calquera das súas instalacións e elementos, sexan mobles ou inmobles.

Considéranse actos de deterioro relevante:

- A sustracción, queima ou inutilización de papeleiras, bancos, farolas, pérgolas, peches ou elementos informativos.
- A queima, poda ou manipulación de elementos vexetais que afecten á viabilidade do exemplar afectado.
- O verquido de residuos (sólidos ou líquidos) que produzan a contaminación do solo de ditos espazos públicos.
- A realización de obras, movementos de terra ou plantacións.

2. Constitúen infraccións graves

- A circulación ou aparcamento non autorizado de vehículos a motor nas zoas verdes ou áreas recreativas.
- Os actos de deterioro dos elementos das áreas recreativas ou zoas verdes que non teñan a consideración de moi graves.
- A realización de actos públicos ou espectáculos recreativos carecendo da preceptiva autorización municipal, e sempre que non produzan danos ou perturbacións no uso e disfrute susceptibles de tipificarse coma infraccións moi graves.

3.- Constitúen infraccións leves as restantes infraccións da presente ordenanza que non sexan tipificadas coma infraccións moi graves ou graves.

Artigo 13.- Sancións

A comisión de infraccións descritas na presente ordenanza sancionárase coa imposición das seguintes multas:

- Infraccións moi graves: de 1500 euros a 3.000 euros.



Concello de Outeiro de Rei

- Infraccións graves: de 750 euros a 1.500 euros.
- Infraccións leves: de 200 euros a 750 euros.

CAPÍTULO VII: RÉXIME FISCAL

Artigo 14.- Imposición da taxa por aparcamento nos espazos habilitados a tal fin nas zonas verdes e áreas recreativas.

En virtude do disposto no artigo 15 TRHL, o Concello de Outeiro de Rei acorda imposer e ordear a taxa por aparcadoiro nos espazos habilitados nas zonas verdes e áreas recreativas municipais.

Artigo 15.- Constitúe o feito impositivo o aparcamento de vehículos de tracción mecánica nos espazos habilitados coma de estacionamento restrinxido nas zonas verdes e áreas recreativas municipais.

Artigo 16.- A cuota tributaria consistirá nunha cantidade fixa por cada día de aparcamento ou fracción.

Cuota xeral: 10 euros

Cuotas especiais: O aparcamento de vehículos que dispoñan de tarxeta de estacionamento para persoas con mobilidade reducida, así coma os veciños do Concello de Outeiro de Rei: 2 euros.

Cuota anual: Os veciños de Outeiro de Rei poderán acadar un abono de vixencia anual aboando unha taxa de 30 euros. Dito abono poderá abranguer a totalidade dos vehículos pertencentes á unidade familiar do solicitante.

Exención: estarán exentos da taxa os propietarios ou residentes que precisen acceder as súas parcelas ou residencia a través das zonas de circulación restrinxida.

Artigo 17.- O pagamento realizarase, previa autoliquidación, en metálico nas oficinas municipais ou ao persoal a tal fin habilitado e presente no aparcadoiro.

O pagamento realizarse sempre con carácter previo ao feito impositivo.



Concello de Outeiro de Rei

ANEXO

Ordeación da mobilidade no área recreativa de Santa Isabel

O plano que se xunta identifica as zonas de estacionamento restrinxido suxeito ao aboamento da correspondente taxa municipal, así coma a zonificación de circulación e estacionamento de vehículos a motor na área recreativa de Santa Isabel.



- | | |
|------------------------------------|-------------------|
| ----- línea de bolardos existentes | CONTROL DE ACCESO |
| — muros existentes | APARCAMENTOS |
| — aceras existentes | |